

tig were / wo ihr zwen oder drey versamlet weren in
seinem Namen / Matth. 18. vnd bey vns blicke alle
tage / bis an der Welt ende / Matth. 28.

Darumb rühmen wir Hiobs vnd vnsern Erlö-
ser mit dem Propheten Hieremia / cap. 5. v. 34. Unser
Erlöser ist starck / er heist der HErr Zebaoth / vnd
mit Paulo / Rom. 8. Ist Gott mit vns / wer kan wie-
der vns sein.

D.
E.

Darnach ist er auch des gerechten Hiobs vnd
vnsrer naher blutfreund vnd verwandter / der rechte
Weibesamen / Gen. 3. der benedeyente Samen Ab-
brahe / Isaci vnd Jacobi / Gen. 22. 26. vnd 28. Gal. 3.
Der Siloah vom stamm Jude / Gen. 49. Dauid's
stuelerb / 2. Sam. 7. Psal. 89. & 132. Der Jungfraw-
en Sohn / Esa. 7. Matth. 1. Luc. 1. Leo de tribu Iudae,
Apoc. 5. welchs Johannes der Euangelist vnd Apo-
stel alles zusammen nimt / cap. 1. sagende. *Verbum
caro factum est, & habitauit in nobis.* Das wort ward
Fleisch / vnd wonet vnter vns.

F.

Es hat aber vnser erlöser / auch warer Mensch
sein sollen vnd müssen. Anfenglich *propter iustitiae di-
vine satisfactionem*, weil ein Mensch gesündigtet hette /
so erfordert Gottes gerechtigkeit / das auch ein mensch
vor die sünde bezahlete / Demnach es aber ein pur
auter Mensch nicht thun konte / so nam Gottes
Sohn / ware menschliche natur an sich / das er konte
leiden